

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷六
內容分類 史·地理·名勝·浙江
索書號 倉石 20405
編號 2037500

卷六

彩色首頁1

[東洋文化研究所漢籍目錄](#) 編號: 2037500

[東洋文化研究所漢籍目錄所藏漢籍善本全文影像資料庫](#) 索書號: 倉石 20405

[漢籍善本全文影像資料庫](#) 文本 [西湖遊覽志二十四卷](#) 嘉靖二十六年序刊萬曆十二年序江陰范鳴謙修本

版權所有: [東京大學](#) [東洋文化研究所](#)
使用上的注意事項

西湖遊覽志第一卷

西湖總叙

西湖故明聖湖也周繞三十里三面環山谿谷縷注
下有淵泉百道瀦而為湖漢時金牛見湖中人言明
瑞遂稱明聖湖以其介于錢唐也又稱錢唐湖
其稱委于下湖也又稱上湖以其負郭而西也故
云西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶺

錢唐田 汝成 輯撰

崇教院開慶元年賜今額
真珠泉在龔慶寺內周顯德間泉自地迸出寺僧
因斃爲方池聞剝喙聲則泉益湧壘壘如貫珠
宋景祐中官家取以釀酒遂以爲酒名雷峰路
口張園亦有真珠泉董嗣杲詩泉光四散駭猿
猱迸起平池點滴高誰欲斗量徒積夢人將瓶
汲肯辭勞聲隨夜雨穿踈箔名逐春風入小槽
別有雷峰峰下圃一泓埋沒在蓬蒿

西湖遊覽志第五卷

西湖遊覽志第六卷

南山勝跡

自清波門折而南爲筆架山方家峪忠節祠褒親崇
壽教寺

錢唐田汝成輯撰

忠節祠以祀宋大學生徐應鑣者應鑣衢州人宋
亡義不降虜與其子琦松女元娘俱赴井死
同舍劉生等叔其屍葬於此朝命贈爲秘閣修
撰正德間參政梁材奏請立祠有司春秋致祭
褒親崇壽教寺俗稱劉娘子寺宋紹興十八年劉

貴妃建貴妃臨安人入宮爲紅霞帳得幸累遷
才人婕妤婉容等進貴妃專掌御前文字工書
畫畫上用奉華堂印然恃寵驕侈常盛夏以水
晶飾腳踏高宗見之取以爲枕妃懼自此少戢
父懋因金人南侵獻錢二萬緡以助軍費高宗
嘉之遂令建寺以爲功德有泉自鳳凰山而下
注爲方池命爲鳳凰泉于湖張孝祥書刻內有
松雪亭觀音洞筆架池偃松交枝檜壁間舊有
陳公儲畫龍甚奇舟陽翁詩翟羽鸞綃事已空
奉華遺寺對高松宮斜鳳去無人見且看門前

粉壁龍○秦少游詩匹馬驕嘶石路斜觀音洞
口踏烟霞普陀風景差相似只欠潮音小白花
○周端臣詩萬竹蒼寒擁寺門寺碑金字御書
存榮華肯信當年事儀制空留后世恩影閣有
聲塵網暗殞宮無月土花昏見梅不敢輕攀折
恐是春風水際魂

方家峪畔舊有永隆寺遇真院悟真院崇真院廣
慈院廣巖院廣福院淨教院寶藏院西蓮瑞相
院西林法惠院安福禪院金廢○永隆寺僧淨
林建○廣福院陳淑妃香火又名報恩○淨教

院蔡貴妃香火○寶藏院有烏龍井錢武肅王廟碑○西蓮瑞相院黃貴妃香火○西林法惠院宋乾德三年建慶曆間禪師法言作西軒激水爲池壘石爲山灑粉峰巒草木之上以象飛雪蘇子瞻見而愛之題曰雪齋秦少游爲之記子瞻詩君不見蛾眉山西雪千里北望都城如井底春風百日吹不消五月行人如凍蟻紛紛市人爭奪中誰信言公似贊公人間熱惱無處洗故向西齋作雪峰我夢扁舟遠吳越長廊靜院澄如月開門不見人與牛惟見空庭滿山雪

○安福禪院內侍陳都知香火

又西南爲華津洞梯雲嶺

華津洞宋時趙翼王園中層壘巧石爲之者曲引流泉灌之水石奇勝花竹蕃鮮有僊人棋臺在焉

梯雲嶺石磴峻絕嶺下舊有水月寺宋太平興國二年建元末燬有水月池靈固石蘇子瞻詩千尺長松掛薜蘿梯雲嶺上一聲歌湖山深秀有何處水月池中桂影多折而南爲慈雲嶺永壽禪寺

慈雲嶺者龍山支脉也故其山各寺額多以龍名
石壁間篆刻梁單闕之歲興建龍山至湑灘之
歲開慈雲嶺一千八字嶺之巔有亭曰江湖偉
觀嶺下有觀音洞洞口有下石龍庵今廢
永壽寺舊名資仁後改上石龍永壽院吳越王建
石壁上刻宋仁宗佛牙讚讚辭鄙陋甚爲爲者
嶺下舊有惠光尼寺地藏尼寺福全尼院淨勝院
並廢○惠光尼寺乾道間張循王女孫真寂自
幼爲尼奉韋太后香火相繼住持皆張氏女也
有佛指放光故名○淨勝院舊名下百龍

嶺之南爲龍山

龍山一名卧龍山又名龍華山與上下石龍相接
去城南可十里許天目分支沿江而東結局於
此蜿蜒若遊龍然山北有鴻鴈池其東爲白塔
嶺

其上爲天真禪寺登雲臺其下爲天真書院天龍禪
寺天華禪寺勝相禪寺龍華禪寺宋籍田

天真禪寺梁龍德中錢王建寺居山頂今惟一庵
存焉

登雲臺後梁龍德中錢王建又名拜郊臺蓋錢王

借郊天地之所也臺側有靈化洞武肅王勒壁
存焉洞深百步濶十餘丈和靖東坡題名

勳賢祠舊名天直精舍在天龍寺之左嘉靖玖年
僉事王臣揭陽薛侃會稽錢德洪王畿醜金齏
寺僧地創建精舍祀新建伯王文成公守仁中
為祠堂後為文明閣藏書室傳經樓望海亭諸
處置膳田以待四方學者萬曆三年侍御萬安
蕭公按浙增建凝道堂八年毀天下書院而精
舍亦混為里甲所佃十一年蕭公督撫兩浙與
侍御江陰范公慨焉傷之為請于

朝禮部是兩公議復祠與田仍一

欽賜祠額有司春秋致祭如禮云○王伯安西安雨

中寄德洪汝中并示書院諸生詩幾度西安道

江聲暮雨時機關鷗鳥破踪蹟水雲疑仗鉞非

吾事傳經愧爾師天真泉石秀新有鹿門期○

又寄答德洪汝中方上書院盛稱天真之奇詩

不踏天真路依稀二十年石門深竹徑蒼峽瀉

雲泉泮壁環胥海龜疇見宋田文明原有象中

築豈無緣

天龍寺宋乾德三年吳越王建以居鏡清禪師大

述元明詩迢迢訪天
真歷歷登此堂瀟落
南高峰轉眺臨錢唐
地位高且深如道不
可量哲人久已逝山
水空遺允龜疇列充
方顯設天文意平生
未一試千歲慨相望
我來增感歎父母不
可忘陳辭之不足繼
以以心香

中祥符元年改名感業建炎三年大火惟木觀
 音像獨存紹興十三年建園丘以淨明院為齋
 宮以感業居從官從此僧徒漸散而寺亦圯元
 延祐間僧道平重建至正間南北兩山諸刹或
 燬或頽惟天龍僅存寺有堂扁曰山舟貫雲石
 所書寺中有凝翠井余士吉詩龍飛鳳舞兩峰
 回王氣纔銷梵宇開卓錫地侵行輦地雨花臺
 近拜郊臺草分野色綠城去風引江聲入寺來
 三百年過如昨日老禪猶說舊蓬萊○張輿詩
 鳳凰山中多古寺天龍之境何深幽半空花雨

春浮殿萬壑松聲風滿樓宋室園丘禾黍合

髡方丈石泉流吟哦不盡登臨興落日滄江生

客愁○劉士亨山舟詩高僧任處屋如舟卧穩

渾無夜壑惠篙櫓不施隨地泊波濤已斷樂天

游香飄半入蒼龍窟夢落多迷白鷺洲喚起酸

齋狂學士虎溪溪上共夷猶

天華寺舊名千春龍冊為鏡清禪師道場有願軒

妙音樓化生池

勝相寺舊名龍興千佛唐開成中建錢氏時有西

竺僧轉智者附海舶歸風鳴浪湧智誦如意輪

西華志卷之二
呪見如意珠王相高十丈風息得濟智謀建高
宇以答佛施建炎兵燬止存五丈觀音諺傳人
有意度則云轉智者以此也乾道中孝宗常臨
幸焉

傳
龍華寺舊名龍華寶勝錢王以瑞萼園捨建有傳
大士塔像拍板門槌司馬溫公祠堂今皆不存
傳大士故漁人也遇嵩頭陀語曰我昔與汝於
毗婆尸佛前發願度生汝今何時還堯率官指
令臨水觀影大士乃見圓光寶蓋便悟前因夫
婦雙脩頓通佛法梁武帝召見壽光殿共論真

諦大士曰息而不滅帝又請講金剛經大士揮
案一拍而起帝不喻再請講大士乃索拍板升
座唱四十九頌頌終而去蘇子瞻大士像贊云
善慧執板南泉作舞借我門槌爲君打破元末
燬國朝宣德四年建

宋籍田在天龍寺下中阜規圓環以溝塍作八卦
狀俗稱九宮八卦田至今不紊

山傍有宋郊壇高禩壇淨明院大通院道林院寶
惠院般若院冲天觀王虛觀烏菱池鴻鴈池王
津園並廢○郊壇紹興二年建王元章詩蕩蕩

南郊路金輿不復行古臺餘草色新樹自風聲
寂寞荒村景淒涼故國情遺民能道舊曾是御
營兵汪以質經故郊臺詩云厭煩尋路僻偶爾
入荒村古禮存遺蹟圓丘儼至尊松風悲闌寂
江月照黃昏餘恨無今古行人欲斷魂○高禩
壇紹興四年建內有鴻鴈池張仲舉詩衰草寒
烟老木風南朝佳氣落然空壁來山鬼遮秦使
槃泣僊人出漢宮壞埒尚傳祠乙鳥荒池曾見
射飛鴻騷人自古多荆思長在登臨感慨中○
淨明院郊壇齋宮有易安齋梅花岩江月庵節

鳥亭高宗梅花岩詩怪石蒼岩映翠霞梅梢踈
瘦正橫斜得因祀事來尋勝試探東風第一花

○寶惠院一名會濟吳越王建○般若院吳越
王建○鳥菱池一名窰池○玉津園在嘉會門
外紹興十七年建孝宗數臨幸命群臣燕射于
此自後翠華罕駐景物漸衰陸務觀詩云聖主
憂民罷露臺春風別苑晝長開盡除曼衍魚龍
戲不禁芻蕘雉兔來水鳥避人橫翠靄宮花經
雨委蒼苔殘年自喜身強健又作清都夢一回
稍南為妙因山吳越國文穆王忠獻王墓

文穆王名元瓘武肅王子忠獻王名仁佐文穆王
子舊有表忠觀蘇子瞻爲之記云熙寧十年十
月戊子資政殿大學士石諫議大夫知杭州軍
州事臣抃言故吳越國王錢氏墳廟及其父祖
妃夫人子孫之墳在錢唐者二十有六在臨安
者十有一皆蕪廢不治父老過之有流涕者謹
按故武肅王鏐始以鄉兵破走黃巢名聞江淮
復以八都兵討劉漢宏并越州以奉董昌而自
居於杭及昌以越叛則誅昌而并越盡有浙東
西之地傳其子文穆王元瓘至其孫忠獻王仁

佐遂破李景兵取福州而仁佐之弟忠懿王俶
又大出兵攻景以迎周世宗之師其後卒以國
入覲三世四王與五代相終始天下大亂豪傑
蜂起方是時以數州之地盜名字者不可勝數
旣覆其族延及于無辜之民罔有孑遺而吳越
地方千里帶甲十萬鑄山煮海象犀珠玉之富
甲於天下然終不失臣節貢獻相望於道是以
其民至於老死不識兵革四時嬉遊歌鼓之聲
相聞至於今不廢其有德於斯民甚厚皇宋受
命四方僭亂以次削平而蜀江南負其險遠兵

至城下力屈勢窮然後束手而河東劉氏百戰
守死以抗王師積骸爲城醜血爲池竭天下之
力僅乃克之獨吳越不待告命封府庫籍郡縣
請吏於朝視去其國如去傳舍其有功於朝廷
甚大昔竇融以河西歸漢光武詔右扶風修理
其父子墳塋祠以太牢今錢氏功德殆過於融
而未及百年墳廟不治行道傷嗟其非所以勸
獎忠臣慰蒼民心之義也臣願以龍山廢佛祠
曰妙因院者爲觀使錢氏之孫爲道士曰自然
者居之凡墳廟之在錢唐者以付自然其在臨

安者以付其縣之淨土寺僧曰道微歲各度其
徒一人使世掌之籍其地之所入以時修其祠
宇封殖其草木有不治者縣令丞察之甚者易
其人庶幾永終不墮以稱朝廷待錢氏之意臣
并昧死以聞制曰可其妙因院改賜名曰表忠
觀銘曰天目之山落木出焉龍飛鳳舞萃于臨
安篤生異人絕類離群奮挺大呼從者如雲仰
天誓江月星晦蒙強弩射潮江海爲東殺宏誅
昌菴有吳越金券王冊虎符龍節大城其居包
落山川左山右湖控引島巒歲時歸休以燕父

老驥如神人王帶羆馬四十一年寅畏小心筐
篚相望大員南金五朝昏亂罔堪託國三王相
承以待有德既獲所歸弗謀弗咨先王之志我
維行之天祚忠孝世有爵邑允文允武子孫千
億帝謂守臣治其祠墳毋俾樵牧愧其後昆龍
山之陽歸焉新宮匪私於錢唯以勸忠非忠無
君非孝無親凡百有位視此刻文

稍北爲玉厨山善慧禪寺

善慧寺元延祐間建伏龍岡禪師道場寺傍舊有
真覺院

夢因山之陽爲江文昭公墓

江氏仁和世族其父玘舉景泰辛未進士歷官給
事中山東右叅政文昭公名瀾舉成化戊戌進
士歷官翰林院編脩學士吏部左侍郎忤幸臣
劉瑾出爲南京禮部尚書瑾誅贈太子少保賜
謚其弟洵戊午舉人瀾之仲子曉舉正德戊辰
進士歷官吏部郎中布政使府尹工部右侍郎
隆慶初用臺諫言贈尚書三子暉舉正德丁丑
進士翰林院庶吉士諫止南巡出爲廣德知
州召還編修修撰四子曜以恩歷官中書舍

人禮部員外郎曉于折舉隆慶戊辰進士歷官
南京刑部主事郎中廣西提學公舉事耀子埏以
恩廕歷官應天治中長蘆運同圻之子鐸舉萬
曆甲戌進士瀾之伯兄曾孫金丙子舉人仕宦
蟬聯甲於一郡世德清謹而恭政尚書侍郎修
撰學使皆從祀府學鄉賢祠侍郎修撰學使鐸
皆以春秋魁榜尤士族所稀也

西湖遊覽志第七卷終

西湖遊覽志第七卷

錢唐田 汝成 輯撰

南山勝蹟

自清波門折而東南為鳳凰山

鳳凰山兩翅軒翥左薄湖許右掠江濱形若飛鳳
一郡王氣比翼藉此山自唐以來肇造州治蓋鳳
凰之右翅也錢氏因之遞加拓飾逮于南宋建
都而茲山東麓環入禁苑張閱華麗秀比蓬岷
佳氣扶輿萃于一脉開署布政駐輦宅中民吏
之所憑依帝王之所臨蒞隱隱賑賑者六七百